

Bosna i Hercegovina  
FEDERACIJA BOSNE I HERCEGOVINE  
**VRHOVNI SUD**  
FEDERACIJA BOSNE I HERCEGOVINE  
**GRADANSKO ODJELJENJE**  
**Broj: 65 0 Rs 488312 16 Spp**  
Sarajevo, 20.04.2016. godine

Vrhovni sud Federacije Bosne i Hercegovine u Sarajevu, odlučujući o zahtjevu Općinskog suda u Sarajevu za rješavanje spornog pravnog pitanja od 03.02.2016. godine, na osnovu odredbe člana 61.c) Zakona o parničnom postupku („Službene novine FBiH“ broj: 53/03, 73/05, 19/06 i 98/15-dalje ZPP), te odredbe člana 18. Pravilnika o unutrašnjem sudskom poslovanju Federacije Bosne i Hercegovine i Brčko Distrikta („Službeni glasnik BiH“ broj 66/12 i 40/14), na sjednici Građanskog odjeljenja održanoj 20.04.2016. godine donio je:

### **O D L U K U**

Odbacuje se zahtjev Općinskog suda u Sarajevu za rješavanje spornog pravnog pitanja broj: 65 0 Rs 488312 15 Rs od 03.02.2016. godine koji glasi:

„Način utvrđivanja koeficijenta složenosti poslova zaposlenika u okviru pojedine grupe složenosti poslova propisane odredbama GKU, te kojim se to sredstvima mogu utvrđivati veći koeficijenti od najnižih u okviru pojedine grupe poslova“.

### **O b r a z l o ž e n j e**

U pravnoj stvari tužitelja Jamak Džemala protiv tuženog „Hidrogradnja“ d.d. Sarajevo tužbenim zahtjevom tužitelj traži isplatu nesplaćenih plaća, naknada za korištenje godišnjeg odmora i uplatu doprinosa za PIO, primjenom odredaba Kolektivnog ugovora o pravima i obavezama poslodavaca i zaposlenika u oblasti građevinarstva, industrije, građevinskog materijala i projektovanja u F BiH („Sl. novine FBiH“ br.49/00-GKU). Punomoćnik tužitelja je na pripremnom ročištu dana 11.01.2016. godine podnio prijedlog za rješavanje spornog pravnog pitanja.

Općinski sud u Sarajevu je prijedlog punomoćnika tužitelja prihvatio i ovom sudu dana 29.02.2016. godine dostavio zahtjev za rješavanje spornog pravnog pitanja pod brojem 65 0 Rs 488312 15 Rs koji glasi: „Način utvrđivanja koeficijenta složenosti poslova zaposlenika u okviru pojedine grupe složenosti poslova propisane odredbama GKU, te kojim se to sredstvima mogu utvrđivati veći koeficijenti od najnižih u okviru pojedine grupe poslova.“ U zahtjevu nije navedeno da li je protivnoj stranci omogućeno da se izjasni o podnesenom prijedlogu.

Općinski sud u Sarajevu uz zahtjev za rješavanje navedenog spornog pravnog pitanja nije dostavio predmet ovom sudu.

Prema odredbi iz člana 61. b) stav 3. Zakona o parničnom postupku („Službene novine FBiH” br. 53/03, 73/05, 19/06 i 98/15 - u daljem tekstu ZPP), prvostepeni sud dužan je uz zahtjev za rješavanje spornog pravnog pitanja dostaviti predmet i Vrhovnom sudu Federacije.

Kako uz zahtjev za rješavanje spornog pravnog pitanja Općinski sud u Sarajevu nije dostavio predmet ovom sudu, to je Građansko odjeljenje Vrhovnog suda Federacije BiH, primjenom odredbe člana 61. c) stav 1. ZPP, odbacilo zahtjev Općinskog suda u Sarajevu kao nepotpun.

Predsjednik Građanskog odjeljenja  
Zdravka Grebo Jevtić, s.r.